

TAKIK P'ISQUMANTA, JUK'UCHAMANTAWAN

Karqa uk Takik P'isqu, uk Juk'uchawan.

Takik P'isquqa mana ni ima mukhunata tantakusqachu. Sach'awan wasariykuytawan takikullasqanpi tiempota pasachisqa. Qhilla kasqanrayku sapa p'unchay takispalla may kusionqa kakusqa.

Juk'uchaqa may k'uchipuni mayllapipis, tutapis mana puñunchu.

Cosecha tiempota Juk'uchaqa tukuy chiqamanta mikhunata tantakuspa jallch'akusqa watantinta, chanta paray tiempo ima mikhunanpaq.

Jinallapi paray tiempo chayamun. Chantá Takik P'isquqa mikhunan mana kaqtin, ukmantaq, ukmantaq mikhunata mañakuq risqa:

- Mikhunitata quriwaychiq, manuriwaychis chanta junt'apusqaykichis. Nispa purisqa.

Ajinapi Juk'uchaq wasinman chayasqa:

- Juk'uchita mikhunata quriway, manachay manuriway nisqa.

Juk'uchataq tapusqa:

- Cosecha tiempopi imata chanta ruwarqanki, cosecha tiempopi mikhunata tantakunayki karqa. Qanqa sapa p'unchay takispalla karqankiqa, chayrayku mana ni ima mikhuna kapusunkichu, kunan takinkiña, kunan tusunallaykiña faltachkan-, nispa kutichisqa.

Juk'uchaqa, mana ni imatapis qurisqachu, wasi punkunta wisq'akapusqa.

- Mana qanpaq kanchu, cosecha tiempo imata ruwarqanki tantakunayki karqa.

Ajinapi Takik P'isqu, llakisqa ripusqa:

- Kunan imata mikhumusaq nispa ripusqa.

Willariwanchik, don Zenobio Siles. Zona Sarco-Cochabamba.